

Al vëgn lascé alsavëi che le Comun ess ca. 3 metri cubich de lëgna (vedla sí dl clander dl marciapisc Tlê da Pinch) da dé ca. Interessá pé jí tl magazin de comun tla zona artejanala Alfur a ti ciaré y dess spo se anunzié tl secretariat de comun cina en vëndres, ai 7 de messé.

SAN MARTIN

Deache don Francesco Scalmati é indô gnü a passé sües ferias a San Martin unse la fortuna da avëi döta l'edema, ater co la sabeda nia, na mëssa te nosta cöra. I le periun dër bel y ti dijun n dilan de cör.

Sas dla Crusc 2022:

Les ultimes copies dla CRONICA DLA VAL BADIA 2021 é ciamo da ciáfé: Tl Istitut Ladin a San Martin, tles botëghes Mascotte a Al Plan, Market a Longega, Malbo a Pidrô, da Mario a Corvara y tla Ostaria Sotru a La Pli.

Cai é mo stá i argumënc prinzipai tl 2022? Insciö dër fora de n sarëgn se tomel ite respostes dër tleres: le tëmp y sü caprizi gaujá dales mudaziuns climatiches, l'arlogn, mo ince la crisa geopolitica cun la vera tl'Ucraina y la vita post-covid. Sc'an pënsa do avisa é l bëgn spavënc tan lunc che l'edl tira.

La vita è fata de scuritè, mo tres danü ince de löm. Adöm vára dessigü da ciáfé soluziuns y strategies, dantadöt tl pice de nosta vita da vignidé. La 46ejima ediziun dl Sas dla Crusc é porchël dedicada a na tematica dër atuala "i posc da sconé"

La cronica dla valada é indô na testimonianza de valüta dla vita di paisc y dla jënt dla Val Badia, che colïeia le presënt y le dagní. Ara cunta stories de vita, dla ligrëza y dl impëgn dles uniuns che á finalmënter indô podü se dediché deplëgn a sües ativités, de avnimënc, retrac, vita de fede y curiosités. Stories coiüdes adöm da jënt che á a cör ci che sozed te so paisc, la paziënza da les documenté, impaginé o les comedé olach'al vá debojëgn de coreziuns. Stories publicades cun le sostëgn di comuns dla Val Badia. Porchël oressun Ves rengrazié de cör. Al é tres danü n plajëi da odëi cun ci impëgn che porsones s'á porvé da dé döt le poscibl por nostes comunités. N impëgn che testimoniëia la crëta tl dagní.

La Uniun di Ladins



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

02.07. - 09.07.23 n. 32

ultimo termo por comunicaziuns: jöbia, dales 20.00

13^a Domënia ia por l'ann A

Vangele do san Matí 10, 37-42

Te Chël tëmp à Gejù dit a sü discepui.

Chël che ti ô plü bun al pere y ala uma co a mé, n'é nia dëgn de më, y chël che ti ô plü bun al fi o ala fia, n'é nia dëgn de më.

Y chël che ne tol nia süa crusc sön ël y ne me vëgn nia do a mé, n'é nia dëgn de më. Chël che ô davagné la vita, la pordarà; chël indere che pordarà la vita por mia gauja, la davagnarà.

Chël che ves tol sö os, chël tol sö me, y chël che tol sö më, tol sö chël che m'á menè.

Chël che tol sö n profet, deach'al é n profet, gnarà recompensé sciöche n profet, y chël che tol sö n iüst, deach'al é n iüst, gnarà recompensé sciöche n iüst.

Y chël che ti dà a un de chisc pici, ince mâ un n gote d'ega frëscia da bëre, deach'al é n discepul, – Amen, iö ves diji: al ne pordarà sigüenia so paiamënt.



Gejù ne dij nia, da ne ti orëi nia plü bun al pere y ala uma.

Al n'ó nia ch'i trascorunse nüsc mituns.

Vigni porsona se mirita nosc respet y nosta stima.

Mo al dij, ch'al é ciamó val' o zacai che cunta deplü.

Ara ne dess nia ester, sciöche laota sot al nazism, olache mituns imbanî sü geniturs, o geniturs sü mituns deache i ideai dl nazism valô deplü co i familiars.



Ci che dess ester maiü co l'amur ai familiars, dess ester val',

por chël ch'al paia la mëia da se mëte instësc y nosc bëgnsté iadedô.

Ara se trata da odëi, a ci ch'i sun cherdá, nosc compit y nosta misciun.

Sce chësc ess da ester en contrast cun nüsc planns y nüsc raporc familiars, spo - dij Gejù - messunse tó nosta dezijiun.

Image

EDEMA - ANN "A"	SAN MARTIN	LUNGIARÜ	
02.07.23 13^a Domënia - Ann A	9.00 Corona 9.30 Gran Mëssa por la comunité cun benedisciun dl tëmp vis y defunc families Costabiei + + Hannele y Nando Flöss + Maria Baldissera (dl ann) + Otto y Maria Erlacher a d'intenziun	7.50 Corona 8.15 Gran Mëssa por la Comunité cun benedisciun dl tëmp fam. Giovanni Chiusura 2 ^a de sopoltöra + Josef Chiusura + Monica Daporta 15.00 Corona tla capela de S. Ojöp Fr.	 <p><i>I periun do l'intenziun dl Papa tl mëis de messé.</i></p> <p><i>I periun che nos catoliches y catolics metunse l'Eucaristia tl zënter de nosta vita, por che ëra trasformëies nüsc raporc umans te na manira dër sota y nes deures al'incuntada cun Chël Bel Dî y cun dotes nostes sorus y düc nüsc fredesc.</i></p> <p><i>ai 3 de messé recordunse san Tomësc.</i></p>  <p><i>Prësc prësc ti ái l'invidia a Tomesc. Te i as lascé odëi dōta l'amplëza de tüa misericordia y de to amur. Do da chësc ne s'á Tomesc nia plü acontenté ma cun püch. Al é vëi, na te gran esperiënza de to amur y de tüa vijinanza é na scincunda, che tëgn ví te nos nosc dejier do te. Do da chësc n'orunse nia plü ma s'acontenté cun püch. Chësta é nosta sbürta da ti porté to amur ala jënt - cina tl'India. Tüa amplëza, Bel Dî, nes porta na gran fortüna che é maiü co vigni contentëza cōrta dla tera. Te Deum</i></p>
03.07.23 Lönesc <i>Tomesc apostul, Günther</i>	8.00 Mëssa a Picolin + Teresa Pedevilla		
04.07.23 Dedolönesc <i>Ulrich, Elisabeta, Berta</i>	19.00 Mëssa por les püres Animes		
05.07.23 Dedemesaledema <i>Antonius M. Z., Letizia</i>	8.00 Mëssa de ringraziamënt	7.30 Mëssa dl ann + Agostin Daporta + Ida Nagler, Mair	
06.07.23 Jöbia <i>Maria Goretti, Marieta</i>	8.00 Mëssa + + Stefo y Richard Frenner		
07.07.23 Pröm vëndres <i>Caius, Eda</i>	18.30 Adoraziun chîta 19.00 Mëssa + Giovanni Unterweger (dla Uniun)		
08.07.23 Sabeda <i>Kilian, Edgar</i>			
09.07.23 14^a Domënia - Ann A	9.00 Corona 9.30 Gran Mëssa por la comunité de ringraziamënt fam. Hermann Costabiei dl ann + Erna Frenner + Paul Graffonara (dl ann) + Maia + Angelina Vanzi Baldissera	7.50 Corona 8.15 Gran Mëssa por la Comunité 3 ^a de sopoltöra + Josef Chiusura + Pire Mischi, Pecëi dl ann + Sepl Rives dl ann + Emma Clara, Col 15.00 Corona tla capela de S. Ojöp Fr.	